

I
IN OFFICIO
SANCTI PRUDENTII
EPISCOPI TURIASONENSIS,
ET PATRONI PRINCIPALIS
PROVINCIAE ALABENSIS.

O R A T I O.



DEUS Largitor Pacis, qui Prudentio Confessori tuo, atque Pontifici mirificam dissidentes animos componendi gratiam tribuisti, da quaesumus, ut ejus meritis, & intercessione veram cum tua voluntate concordiam jugiter servemus. Per Dominum &c.

Lectio IV.

PRUDENTIUS natione Hispanus piis Parentibus natus, ut vetustissima Acta tradunt, in Armenia Urbe quondam Provinciae Alabensis, ab ipsa pueritia magna sanctitatis praebuit argumenta, & simplex, rectus, & timens Deum aetate simul, & virtutibus crevit. In prima ipsa juventute, ut animum à Mundi illecebris custodiret, in Heremum secessit, ubi aspe-



asperrimo vivendi genere Corpūs in servitūtem rede-
git jugi cœlestium rerum contemplationi, & sacra-
rum literarum studio vacans. Defuncto Saturio, quo
usus fuerat heremiticæ vitæ socio, atque Magistro,
voce divina admonitus ad Civitatem Calaguritanam
profectus est.

Lectio V.

EA in Urbe pœnitentis habitu indutus in cinere,
& cilicio ita infectatus est pravos Populorum
mores increpando, admonendo, concionando, ut
collapsam in illis pietatem in pristinum restituerit,
contumelias, injurias, & verbera propter Christum
patiens. Ejus sanctitatis bonus odor cum universam
illam Nationem pervaserit, Prudentius abhorrens ce-
lebritatem sui nominis clam Turiasonem aufugit, &
inter minores ejus Ecclesiæ Clericos adscitus tamdiu
delituit, donec cognita Viri sanctimonia, atque doc-
trina ab illo Episcopo Presbyter ordinatus est, &
Archidiaconus deindè constitutus: quo in munere
cum præclariora in dies ederet Virtutum exempla,
concreditum ei fuit regimen vacantis Ecclesiæ Turia-
sonensis, atque reluctans, & nolens in ejus Ca-
thedra omnium votis collocatus est.

Lectio VI.

EPISCOPALI auctus Dignitate commissum sibi
Gregem pascens monitis, consiliis, scientia,
verbo, & exemplo innumeros Peccatores ad viam
salutis revocavit. Eximia fuit ejus Prudentia, Cha-
ritas, Mansuetudo, & Misericordia præsertim in
Pau-

3

Pauperes , erga quos, ut largior esset , necessaria sibi detraxit. Peculiari qua pollebat gratia, dissidentes animos sedandi Oxomam accitus, ut ea dissidia componeret , quæ inter Clerum , & Cives jamdiu exarserant , ad pacem , & concordiam statim illos adduxit , divinis etiam , ut fertur , accedentibus prodigiis. Ibidem gravi morbo correptus magnis laboribus exantlatis , qua prædixerat hora obdormivit in Domino maxima sanctimonix fama , & Miraculis clarus. Ejus Corpus delatum ad Montem Laturcium eo loco publicæ Fidelium venerationi expositum fuit, in quo nunc ab ejus nomine Ecclesia S. Prudentii numcupatur.

I N M I S S A.

S E C R E T A.

UT nobis Domine unitatis , & pacis dona concedas , quæ sub oblatiis muneribus mysticè designantur , fac nos semper Beati Prudentii Confessoris tui , atque Pontificis validis muniri præfidiis. Per Dominum &c.

P O S T C O M M U N I O.

SPIRITUM nobis Domine tuæ charitatis infunde, ut quos una mensa satiasti , intercedente Beato Prudentio Confessore tuo , atque Pontifice , mutua semper facias dilectione concordēs. Per Dominum &c. in Unitate ejusdem &c.

DE-

DECRETUM

CALAGURITANA, SEU CALCEATEN.

Postquam Sacrorum Rituum Congregatio die 16. Martii 1697. referente cl. m. Card. Coloreda, confirmaverat in Patronum Principalem universae Provinciae Alabensis SANCTUM PRUDENTIUM Episcopum Turiasonensem. D. Bartholomaeus Olaran Postulator nomine Rmi Episcopi Calaguritani, nec non Cleri, & populi ejusdem Provinciae Alabensis, eidem Sacrorum Rituum Congregationi habitae die 22. Decembris 1753. supplicavit pro approbatione Officii proprii recitandi ab eodem Clero in honorem ejusdem Sancti. Verum cum Sacra Congregatio tunc censuerit, audiendum esse R.P. D. Promotorem Fidei, tandem renovatis modo per eundem Postulatorem enixis precibus pro parte dictae universae Provinciae Alabensis, Sacra eadem Congregatio ad relationem Emi, & Rmi Dñi Cardinalis Cavalchini Ponentis scripto, & voce audito R.P.D. Fidei Promotore, benigne concessit, ut in officio dicti S. PRUDENTII suprascriptae Lectiones propriae cum Oratione, necnon in Missa Secreta, & Postcommunio itidem propriae ab utroque Clero universae Provinciae Alabensis recitari possint, & valeant. Hac die 28. Augusti 1762.

J. M. Card. Feroni Praefectus.

Loco ✠ Sigilli.

S. Burgheius S. R. C. Secretarius.

En Vitoria : Con las licencias necesarias, por Thomàs de Robles, Impresor de esta M. N. y M. L. Proviucia de Alava.

*Procede de caso del M. de la Alameda
Otros ejemplares en E. J. (E. A. O de Vitoria)
(1925)*